

DESCRIPTION DES CANAVS DU HUMBLER, LIN, HVL, PHILO ET SCHEREN- BORCH, ET LES GVEZ DICEVX.

Premierement, pour tirer vers le profond de Lin pardehors les bancs dictz de *Welle*, il faut tenir la longue tour mousse, entre les deux autres tours aigües; & lors est on au droict chemin, & trace nauale de Lin. Quand Cappelle gist de vous E. & que les arbres viennēt au de la du coing interieur vers l'Oest de Cappelle, entrez lors S.E. & S.E. quart au S. vers le premier tonneau. Et alors est on en la droicte trace Oriéiale de Lin, tirez lors S.S.O. & S. quart au S. Oest, iusques à la premiere baque ou marque d'osiere, de la iusques a la deuksieme baque faut tirer S.S.O. & plus outre iusques à la troisieme S.O. quart au S. Et de la en auant iusques aux deux tonneaux faut tirer Sudoeast & Sudoeast quart à l'Oest, iusques outre le coing de la terré, dont on peut tirer parmi les sablonieres dens la bouche Occidentale, & sortir par icelle aux marques & tonneaux susdicts. Ledict trou d'Oest s'esté vers la Mer Nordest & Nord Est quart à l'Est. Et en cas qu'o voulüst entrer dens le Canal ou profond de Boston, on abordera le terroir de Slegnesse le long du riuage, ce faisant est on affranchi de la sabloniere dicté *Ellen-knock*. Et quād les 3. arbres sont du costé du S. de *Somkal*, ou de la tour aigüe, lors gist *Ellen-knock* vers la Mer au respect de vous, & peult on tirer amont le long de la riuue & terroir de *Leck* sur 3. toises iusques à la riuiere *Boston*. On peut aussi retourner en Mer, en tre la sabloniere *Elle-knock* & *Lange sandt* c'est à dire Longue-sable, sur 3. toises, tirant E. Nordest en Mer.

Si quelqu'un vouloit entrer en la riuiere Boston, qu'il courre vers la terre de Slegnesse, & qu'il entre en costoyant de pres le riuage, ainsi ne pourra on s'approcher de Elle-knock. Quand les 3. arbres vers le midy de Somkal sont vis à vis du clochier poinctu, Elle-knock tire lors vers la Mer de vous, & lors on peut bien aller le long de la terre de Leck sur 3. ou 4. toises, iusques à la riuiere de Boston.

On peut aussi reprendre la Mer entre Elle-knock & Lange sanda 3. toises d'eau, il y a entre le profond de Boston & le profond de Lin force sablonieres, de sorte qu'un nauire y a bon besoing d'un Pilote pour y entrer avec les natures. La Mer y monte a la hauteur de 3. toises, mais un nauire lequel ne va point profond en l'eau peut bien trauerser les sables. Quand la Lune est Est ou Ouest, lors il y a le plus d'eau, entre ces sables.

Or pour entrer dans le Humber de Hul, quand on vient du S. on tient la tour de Pol a l'opposite de la poincte Septentrionale de la riuiere, iusques a ce que la tourette laquelle est au Sud de Doeptorn, vient entre les arbres, & l'autre tour tirez aprez O.S.O. & O. quart au S. iusques a la premiere plate ou banc du milieu, & puis vers le midy ou vers le Nort au tour de la sabloniere, iusques devant Grimby, la est la rade sur 6. ou 7. toises, on ancre la derriere un banc metoyen. Mais de la plus auant est la route O quart au Nort & O. S. O. iusques au bout du banc, lequel s'esté le long du haure au costé Septentrional, & au bout du banc, il faudra reculer vers le Nort en la riuiere de Hul, la dedens il a fait profond de 6.7.8. & 9. toises, selon que vous estes, la Mer y monte & descend a 3. toises, avec morte marée, la Lune E. & O. y fait pleine Mer.

De la poincte de Humber iusques a Blackeny est le cours S.E. & S.E. quart à l'E. enuiron 10. lieues. Le clochier du Pol est un courreir. Quand il est S.S. Ouest de vous, lors il est vers le Nort des Susters, c'est à dire Securs.

Il y à 7. ou 8. lieues de Kelbese ou Ratienspure iusques au Flamburger Cap & la Mer y est par tout profonde de 5.6.7.8. toises. Flamburgh a vne Teste ou Cap & Berlington a aussi vne teste ou poincte laquelle en est esloignée d'une lieue vers l'occident, on peut ancrer dens la bay ou Golfe sur sept ou huict toises d'eau.

Il y à au Cap ou poincte de Flamburge beaucoup de taches blanches ou montaignes de Croye, singulierement vers Philay & la poincte de Philay, en est estoignée de 2. lieues vers le N. c'est vne ronde baye, & quand la Mer est basse elle est a sec, mais hors de la Teste de Philay, y a vne pierre souz l'eau qu'on nomme Phylay-Crake, entre ceste pierre, & la poincte peut on bien flotter, avec un navire de 100 charges, & sera la assuré contre le vent de N.E. & E. ayant 5. toiles de profondeur avec basse Mer.

De la poincte de Philay iusques Scharenburg, est la route N.O. & S.E. de 2. lieues. Scharenburg a deux poinctes, on y peut rader avec vne haute marée, derriere, & estre a sec quand la Mer est basse. On y entre vere le midy.

Ieux Pays produisent aussi des Grains, cōme Orge, Griote seiche, Biere, Froment & gros Draps